

vñ vor mittag/wan das eusserste ende des schattens von dem styl  
 eine circumferentz des gemachte circels erreichet/ so das geschicht/  
 vñ wo der schatten den Circel erreichet/ da macht einen punct/wel-  
 ches geschicht zum Exempel im Circel H I K V, in F, darnach  
 wartet auch so lang nach Mittag/ bis das des styls eussersten theils  
 schatten/den gemelten Circel H I K V wiederumb erreichet/ vñ  
 wo man das befindet da macht ein zeichen/ das sey P. dan theilt den  
 bogen F P, in zwen gleiche theil/welches geschicht in I, nembt nun  
 den styl auß dem centro D, vñ legt ein Liniel auff dem gefundenen  
 puncten I, vñ auff den mittelpunct D, ziehet also langs desselben  
 eine lini durch I, vñ D, als B R, welche wirdt sein die rechte mit-  
 taglini des orts, ziehet ferner auch den Diametrum A C. Creutz-  
 weiß durch B R, Rechtwincklicht in D, so hat man die vier quartier  
 der welt gefunden/vñ weiset B Norden, R Suden, C Ost, vñ  
 A West, worauf man nun leichtlichen, durch das nachfolgende:

Andere Exempel/die abweichung der Magnet Nadel  
 von dem rechten Norden, vmb den Compas  
 darnach zu richten finden mag.

Man sey/zum Exempel/in der Statt Leyden in Hollande/vñ bes-  
 gere alda die abweichung der Magnet nadel/ von dem rechten Nor-  
 den zu suchen / das geschicht also: Suchet erstlich nach vnderriecht  
 des nechst vorgehenden Exempels/ die rechte Mittags lini derselben  
 statt/welche wir nemē/das in vorgehender figur die Lini B R sey/also  
 das B sey der rechte Nordt punct: Legt ferner ein gerechte Magnet-  
 nadel (vngesehr zwen daumē lang) auff ein klein messing spizig stif-  
 lein/so in das Centrum D. gemacht/lasset dieselbe just innē stehen/vñ  
 zeichnet beide ende solcher Magnet nadel mit blindē punctirtē Liniē/  
 welche seindt in vorgehender figur V, W, vñ das Centrum des  
 Circels ist D, durch diesen drey puncten (zwerch durch den Circel)  
 zicket eine rechte lini/so die circumferentz des Circels durchschneit  
 Det in S vñ T, besehet nun wie viel grad der bogen B S, begreiffet/  
 (da